

Bosna i Hercegovina
Federacija Bosne i Hercegovine
Tuzlanski kanton
Općina Teočak
Broj: 02-11-126-6/22
Teočak, 02.03.2022. godine

Na osnovu člana 111. stav (1) tačka d) Zakona o javnim nabavkama („Službeni glasnik BiH“ broj: 39/14), a u skladu sa Rješenjem Ureda za razmatranje žalbi Mostar broj: JN2-03-07-1-365-7/22 od 24.02.2022. godine, u vezi s postupkom javne nabavke Građevinarskih radova na izradi pristupa (pješačkog mosta) do prvog sprata sportske dvorane, Općinski načelnik donosi:

ODLUKU **o poništenju postupka javne nabavke građevinskih radova**

Član 1.

Poništava se postupak javne nabavke Građevinarskih radova na izradi pristupa (pješačkog mosta) do prvog sprata sportske dvorane, tenderska dokumentacija broj: 02-11-126-2/22 od 25.01.2022. godine zajedno sa Obavještenjem o nabavci broj: 98-7-3-6-3-1/22 od 25.01.2022. godine, a u skladu sa Rješenjem Ureda za razmatranje žalbi Mostar broj: JN2-03-07-1-365-7/22 od 24.02.2022. godine.

Član 2.

Za izvršenje ove odluke zadužuje se Služba za privredu, finansije, prostorno uređenje i civilnu zaštitu.

Član 3.

Ova Odluka objavit će se na web stranici Općine Teočak: www.teocak.gov.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama („Službeni glasnik BiH“ broj: 39/14).

Član 4.

Ova odluka stupa na snagu danom donošenja.

Obrazloženje

Općina Teočak je Odlukom o pokretanju postupka javne nabavke konkurentskim zahtjevom pokrenula postupak nabavke Građevinarskih radova na izradi pristupa (pješačkog mosta) do prvog sprata sportske dvorane broj: 02-11-125-1/22 od 25.01.2022. godine i istog dana je objavljeno Obavještenje o nabavci broj: 98-7-3-6-3-1/22.

Dana 31.01.2022. godine na adresu Ugovornog organa je stigla žalba na tendersku dokumentaciju za nabavku predmetnih radova od potencionalnog učesnika u postupku, kandidata/ponuđača „Gradprom“ doo Srbac zastupanog putem advokata Mile Antonića.

U skladu sa članom 100. stav (1) i (5) Zakona o javnim nabavkama BiH, Ugovorni organ je utvrdio da je žalba blagovremena, dopuštena i izjavljena od strane ovlaštene osobe, ali da je neosnovana. Ugovorni organ je dana 07.02.2022. godine proslijedio žalbu URŽ-u, zajedno sa izjašnjenjem o žalbi.

Ugovorni organ je dana 01.02.2022. godine donio Odluku o obustavi postupka javne nabavke broj: 02-11-126-4/22 i obavijestio putem maila sve ponuđače koji su preuzeli tendersku dokumentaciju putem portala javnih nabavki.

Dana 28.02.2022. godine Ugovorni organ je zaprimio Rješenje URŽ-a broj: JN2-03-07-1-365-7/22 od 24.02.2022. godine u kojem se navodi da se usvaja žalba ponuđača „Gradprom“ doo Srbac i poništava se Tenderska

dokumentacija Ugovornog organa. Takođe, usvaja se zahtjev „Gradprom“ doo Srbac za naknadu troškova sastava žalbe izjavljene po punomoćniku Mili Antiću, advokatu iz Banja Luke u iznosu od 658,12 KM.

U skladu sa zaprimljenim Rješenjem Ureda za razmatranje žalbi- Mostar, broj: JN2-03-07-1-365-7/22 od 24.02.2022. godine, Općinski načelnik je donio gore navedenu Odluku. Na osnovu Rješenja Ureda za razmatranje žalbi- Mostar, poništava se tenderska dokumentacija za nabavku Građevinarskih radova na izradi pristupa (pješačkog mosta) do prvog sprata sportske dvorane broj: 02-11-126-2/22 od 25.01.2022. godine.



Općinski načelnik

Tajib Muminović

Dostaviti:

- Učesnicima u predmetnom postupku koji su preuzeli TD-svima
- web stranica
- a/a